

SVEINSPRÓF Í KJÓLASAUMI

STARFSREGLUR OG FRAMKVÆMD

Sveinsprófsnefnd ber ábyrgð á prófþáttalýsingu, skilgreiningu á vægi prófþátta og framkvæmd sveinsprófa.

KYNNING FYRIR PRÓFTÖKUM

Sveinsprófsnefnd heldur kynningu á framkvæmd og starfsreglum sveinsprófa fyrir próf. Þar fá væntanlegir próftakar allar þær upplýsingar sem þeir þurfa og geta þá lagt fyrir spurningar um þau atriði sem þeim kunna að vera óljós.

PRÓFSTAÐUR

Verklegi og skriflegi hluti sveinsprófs í kjólasaumi fer fram eftir atvikum í viðeigandi skóla (Tækniskólanum). Sveinsprófstaki fær nánari upplýsingar eigi síðar en sex vikum fyrir próf.

AÐSTAÐA

Til að leysa verkefni í sveinsprófi í kjólasaumi þarf nemi að hafa viðeigandi verkfæri samkvæmt verkfæralista hverju sinni nema annað sé tekið fram. Sveinsprófsnefnd hefur tekið út aðstöðu og metið að prófaðstaðan sé fullnægjandi. ÍÐAN fræðslusetur og forsvarsmenn staðar þar sem prófið fer fram hafa gert með sér samning um afnot sveinsprófsnefndar af húsnæði fyrir sveinsprófin.

Sveinsprófsnefndarmenn eru þeir einu sem hafa heimild til að vera viðstaddir í prófi nema annað sé ákveðið fyrir fram og ber þá að upplýsa próftaka sérstaklega

PRÓFÞÆTTIR OG VÆGI

Prófið skiptist í 4 þætti		
	Vægi prófhluta	Vægi af lokaeinkunn
A) Verklegur hluti :		65%
Prufur	15%	
Frágangur	30%	
Ytra útlit	55%	
b) Vinnuhraði		5%
c) Skriflegt próf		5%
d) Sniðteikning, framsetning á verkefni og útlitsteikningar		25%

SKRIFLEGT PRÓF

Prófið samanstendur af opnum spurningum og teikningum. Við val á spurningum er leitast við að hafa sem mesta breidd og að þær endurspegli markmið og tilgang námsins. Miðað er við að skriflegt próf sé haldið að loknu matarhléi á þriðja prófdegi. Prófatími er 40 mínútur.

VERKLEGT PRÓF

Próftakar hafa fjörutíu klukkustundir til umráða. Próftíminn er frá klukkan 08:00–12:00 og 13:00– 17:00. Samtals fimm vinnudagar. Próftakar ráða sjálfir hvenær þeir gera hlé á vinnu sinni innan próftíma.

Próftaki skal mæta á réttum tíma.

Vægi einstakra prófþátta í %

A	Verklegur hluti		65%	Af lokaeinkunn
1.0	Prufur		15%	
	Passpöleruð hnappagöt			Þrjú hnappagöt með útáhneppu og ásamt tölu sem passar.
	Vasi með loki			Vasaútfærsla að eigin vali.
2.0	Frágangur á kjól á röngu / fóðurfrágangur		30%	
	Hálsmál			<i>Til að uppfylla þennan þátt þarf besetning, brydding að vera jöfn, má ekki vera kippingur.</i>
	Saumför/innsaumar			<i>Til að uppfylla þennan þátt þurfa saumför að vera jöfn og saumar jafnir og sléttir.</i>
	Rennilás			<i>Til að uppfylla þennan þátt þarf fóðurfrágangur við lás að vera sléttur og jafn.</i>
	Handvegur/ermar			<i>Til að uppfylla þennan þátt þurfa saumför að vera jöfn og snúa rétt. Brydding jöfn og án kippinga.</i>
	Faldur			<i>Til að uppfylla þennan þátt þarf faldur að vera jafn og sléttur.</i>
	Fóðursaumur/fóðurisetning			<i>Til að uppfylla þennan þátt þarf fóðrið að passa slétt og fellt í flíkina. Má hvorki vera of stórt né sítt.</i>
3.0	Ytra útlit		55%	
	Axlir			<i>Til að uppfylla þennan þátt þurfa axlasaumar að vera jafnlangir og saumar sléttir</i>
	Hálsmál			<i>Til að uppfylla þennan þátt verður hálsmál flíkur að liggja vel að hálsi og bringu.</i>

	Rennilás			<i>Til að uppfylla þennan þátt þarf ísetning renniláss að vera jöfn, skiptisaumar að stemma. Rennilás má ekki mynda bungur við enda.</i>
	Brjósta- og sniðsaumar			<i>Til að uppfylla þennan þátt þurfa brjósta- og sniðsaumar að vera jafnlangir, snúa rétt og vera gallalausir við enda.</i>
	Hliðarsaumar/faldur			<i>Til að uppfylla þennan þátt þurfa hliðarsaumar að vera beinir og jafnlangir. Faldur þarf að vera sléttur og jafn.</i>
	Handvegur/ermaísetning			<i>Til að uppfylla þennan þátt þarf umframvið að vera rétt deilt í handveginn og ermin þarf að falla rétt. Ef ermin er rykk í handveginn þarf hún að vera jöfn beggja vegna axlarpunkts.</i>
	Ermaútlit			<i>Til að uppfylla þennan þátt þarf ermin að falla rétt. Saumar og faldur að vera slétt.</i>
	Sýnishorn			<i>Til að uppfylla þennan þátt þurfa sýnishorn að vera í samræmi við flíkina og vel unnin.</i>
	Heildarútlit			<i>Til að uppfylla þennan þátt þurfa útfærslur að vera í samræmi við teikningar og flíkin þarf að passa á módelið.</i>
B	Vinnuhraði		Vægi	5% af lokaeinkunn
	Vinnuskipulag			<i>Þessi þáttur er mat yfirsetumanns hverju sinni.</i>
	Verkferlið (sjá dagbók)			<i>Þetta metur prófnefnd út frá dagbókarfærslum.</i>
	Efnismeðferð			
	Gallalaust efni / tildrag / þráðrof			<i>Til að uppfylla þennan þátt þarf að sniða fram hjá göllum.</i>
	Efni straujað fyrir sniðningu (krumpulaust)			<i>Til að uppfylla þennan þátt þarf að hleypa efnið og passa að það sé krumpulaust fyrir sniðningu.</i>
	Efnislögn rétt á borði fyrir sniðningu			<i>Til að uppfylla þennan þátt þurfa allir sniðhlutar að liggja rétt á efninu.</i>
	Efnisnýting			<i>Til að uppfylla þennan þátt þarf mat á efnisþörf að vera rétt.</i>
	Gát á hreinlæti / meðferð á efni			<i>Til að uppfylla þennan þátt þarf að gæta fyllsta hreinlætis og ganga vel um tæki, áhöld og efni.</i>

C	Skriflegt próf		Vægi	<i>5% af lokaeinkunn.</i>
	Skriflegt próf			<i>Spurt er um meðferð véla, meðferð efna, vinnuáðferðir og verkfæri.</i>
D	Sniðteikning, framsetning á verkefni og útlitsteikningar		Vægi	<i>25% af lokaeinkunn.</i>
	Sniðteikning			<i>Þetta metur prófnefnd út frá sniðteikningum og heildarútliti flikur.</i>
	Framsetning á verkefni / mappa (frágangur á sýnishornum)			<i>Þetta er mat prófnefndar að prófi loknu.</i>
	Útlitsteikningar /vinnuteikning			<i>Til að uppfylla þennan þátt þurfa vinnuteikningar að vera skýrar, þ.e. sýna vinnuferli.</i>

Einkunnagjöf

Próftaki þarf að ná einkuninni 5 í öllum liðum prófsins.

Nái sveinsprófstaki ekki að klára prófstykki sitt á próftíma er hann fallinn. Próftaka ber að sýna snyrtimennsku og hreinlæti í umgengni og ganga frá verkfærum og efni í lok dags. Persónulegt hreinlæti og snyrtimennska skal vera til fyrirmyndar.

EINKUNNAGJÖF

Einkunn 10 vísar til þess að	95% - 100% markmiða var náð
Einkunn 9 vísar til þess að	85% - 94% markmiða var náð
Einkunn 8 vísar til þess að	75% - 84% markmiða var náð
Einkunn 7 vísar til þess að	65% - 74% markmiða var náð
Einkunn 6 vísar til þess að	55% - 64% markmiða var náð
Einkunn 5 vísar til þess að	45% - 54% markmiða var náð
Einkunn 4 vísar til þess að	35% - 44% markmiða var náð
Einkunn 3 vísar til þess að	25% - 34% markmiða var náð
Einkunn 2 vísar til þess að	15% - 24% markmiða var náð
Einkunn 1 vísar til þess að	0% - 14% markmiða var náð

SKIL Á EINKUNNUM OG PRÓFSÝNING

Formenn sveinsprófa skila einkunnum á sveinsprófi til IÐUNNAR ekki seinna en þremur vikum eftir að sveinsprófi lýkur.

Próftakar fá niðurstöður sveinsprófa afhentar eigi síðar en 28 dögum eftir að prófið hefur verið haldið. Prófsýning á sveinsprófsstykki í kjólasaumi fer fram að lokinni yfirferð sveinsprófsnefndar, þó eigi síðar en fjórum vikum eftir að prófi lýkur. Í prófsýningu tilkynnir sveinsprófsnefnd próftaka hvort hann hafi staðist próf. Próftaki getur óskað eftir útskýringum á mati sveinsprófsnefndar. Próftaki samþykkir niðurstöðu sveinsprófsnefndar með undirskrift sinni á þar til gert plagg. Falli próftaki í prófþætti er

honum heimilt að gangast undir endurtökupróf í þeim þætti eingöngu, verði því viðkomið, næst þegar sveinspróf er haldið í kjólasaumi.

Sveinsprófsnefnd ber ábyrgð á að sveinsprófsverkefni sé varðveitt með ákveðnum hætti, s.s. eins og með mynd eða öðrum sannanlegum hætti, í eitt ár eftir að prófi lýkur.

Skriflegum úrlausnum skal eytt tryggilega að þeim tíma liðnum og er sveinsprófsnefnd/IÐAN ábyrg fyrir þeirri framkvæmd. Um meðferð kærumála skal lúta reglugerð nr. 689/2009 um sveinspróf.

ALMENNAR REGLUR

- Próftaki skal mæta til prófs á réttum tíma.
- Ef próftaki mætir 15 mínútum of seint getur hann átt hættu á að vera vísað frá prófi.
- Próftaki má hafa með sér gögn og verkfæri sem eru gefin upp í upplýsingabréfi.
- Þurfi próftaki að yfirgefa prófsvæðið á meðan próf stendur yfir skal það gert í samráði við prófdómara.
- Hafi sveinsprófstaki ekki staðist próf skal hann upplýstur um það eigi síðar en viku eftir að prófi lýkur.
- Ef um veikindi er að ræða í verklegu prófi verður viðkomandi sveinsprófstaki að bíða þar til næsta próf verður í boði.
- Ef staðfesting frá viðkomandi framhaldsskóla um námsörðugleika er til staðar fær viðkomandi sveinsprófstaki viðbótartíma (fyrir skriflegt próf), hámark 30 mínútur.
- Ef próftaki er haldinn ákveðnum prófkvíða skal hafa samband við starfs- og námsráðgjafa hjá IÐUNNI fræðslusetri við skráningu í sveinspróf.

Þessar upplýsingar eru birtar með fyrirvara um breytingar.